

8. Lernam controversiarum movent hic Sacramentarij, & his succenturiantes Iesuitæ, ac initio nostras Ecclesias accusant, quòd Vnionem personalem cum Sessione ad dextram Patris confundant, propterea quod utramque Exaltatione describant, cum tamen (secundum hypothesein Sacramentariorum) Exaltatio demùm in Ascensione ad Cœlos Christo obtigerit.

9. Nullam vero duorum istorum Articulorum confusionem à nobis committi, vel inde manifestum est, quod terminum per quem, à termino ad quem, & consequens ac effectum, à suo Antecedente sive causa accuratè semper discernimus; & quanquam una eademque est gloria, quam & in primo conceptionis puncto Christus secundum humanitatem accepit, & quâ post sepositam servi formam uti cepit: tantum tamen discrimen utrique Exaltationi intercedere statuimus, quantum est inter κτήσιν καὶ ζῷων.

10. Ἐπεὶ ὅτι ἕτερον aliquid occultat hic gens Sacramentaria, nimirum ex Vnione Personali, nihil prorsus Exaltationis Humane Christi naturæ obtigisse: sed quicquid in scripturis de exaltatione legitur, id demùm tempore Ascensionis in Cœlum ei tributum, ut magna quidem & excellenti, sed creata tamen ac finita gloria & virtute donata fuerit.

11. Atqui verò haud injuria ab ijs hoc loco quaerimus. Si ante ascensionem gloria & exaltatione omni prorsus Christus secundum humanitatem